



廣西通志卷八十九

輿地略十 物產一

桂林府

糯其性黏可以釀酒

本草

說文云沛國謂稻爲糯稭

稻屬也字林云糯黏稻也稭稻不黏者李登聲類

亦以稭爲不黏稻但江東人呼爲稷字林曰稷乃

亂反字亦作糯北人呼爲糯稷與稷皆俗稭字也

音庚今稷糯甚相類但黏與不黏耳依說文糯卽

稻也

爾雅釋文

粵西之糯其各有黃皮糯大糯香糯鈴

子糯庸糯穀皆有芒異於秬惟一種光頭糯無芒

又一種晚收者亦曰秬禾比糯不黏比秬香軟統

名大米有大白禾馬皮禾八月鮮紅棉禾白棉禾
蘭禾蕃禾香秈禾諸名又一種早收者謂之秈糯
秈田即可種之六七月熟名曰早糯烏糯狗蚤糯
其穀收即入囤不須經露亦可作餌遜于晚糯

縣志

馬皮禾八月鮮灌陽出黑節糯陽朔出

金志

秈江南呼爲秈言有早中晚三收黏者爲糯不黏
者爲秈本草有早秈掛耙秈黃瓜秈百日秈六十日
秈蟬鳴稻皆早收長毛秈蛆黏紅秈白秈貴州秈
皆晚收又一種旱禾種于畚田山地

臨桂縣志

八方秈

靈川出

金志

謹案稻秈種類各府略同梧潯以南皆一

歲再熟惟桂林平樂慶遠及柳之懷遠近
北之地則一熟耳

小麥一曰來北人種麥漫撒南人種麥撮撒北麥

皮薄南麥皮厚

草本

粵土惟桂林麴各府重之

臨桂縣志

大麥苗粒大于來故得大名牟亦大也小麥以磨

麴大麥粒皮似稻作飯滑飼馬良

草本

麥有大小二

種

臨桂縣志

蕎麥一名菽麥亦呼甜蕎赤莖綠葉實有三稜

草本

俗謂之三角麥又一種苦蕎野生

臨桂縣志

高粱北人呼蜀秫高大如蘆荻故曰蘆稭又曰荻

梁粵山谷中多種之

全州志

小粟各縣出金黃粟穗如狗尾土人謂之狗尾粟

臨桂縣志

穄應作似黍而穗異生三四岐若手指然以耐旱

故高亢之地多種之金俗名鴨腳粟穗拳屈如指

爪粒細色黑而味劣作粉調粥稍可食臨桂縣志

薏苡開紅白花結實青白似珠而稍長一名回回

米又呼西番蜀秫俗名草珠鬼本各州縣出金

玉米本草曰玉蜀黍又曰玉高粱俗名苞米苗葉

似高粱苗心別出一苞魚形苞內子顆顆攢簇全州

志

豆有紅黃黑白諸種金白豆最宜于山地俗名飯

豆

臨桂縣冊

虎斑豆兔耳豆

興安縣志

萊豆山地種之

陽朔縣冊

黃豆有山豆田豆二種山豆春種田豆收穫後于

禾稿根點之

永寧州冊

紅豆色並珊瑚圓轉如珠出永

寧灌陽

金志

陳豆卽蠶豆巡撫陳元龍攜種遺民民乃得食因

各

金志

扁豆一名蛾眉豆花有紫白實有黑白黑者名鵲

豆

草本

一種秋雨豆秋雨時最繁故名莢肥而窄長

味甚佳

臨桂縣冊

黎豆一名狸豆一名虎豆豆黑色有毛露筋如虎

狸指爪

草本

俗謂之狗爪豆

臨桂縣冊

星洲元名ノ一

三

白菜色味俱佳

金志

桂人附驛騎至京攜黃芽菜子

種之亞于北產再種則變矣

臨桂縣志

大芥即蕪菁又名蔓菁一名諸葛菜溪蠻叢話云

苗獠獠地方產馬王菜相傳馬殷所遺

草本

苦蕒本名苦菜南方冬夏長青

草本

能解蟲毒

金志

藤菜本名落葵一名胭脂菜蔓生

草本

一名紫果見

東坡詩

金志

藟心菜俗名油菜味與江南不殊而氣候差別每

秋九月即採食訖春三月廼已

金志

桂林最盛春末

黃花徧于田野

臨桂縣志

白花菜柔莖延蔓一枝五葉葉大如拇指開小白

花宜鹽蕓

草本

一種黃花者名黃花菜

臨桂縣志

東風菜生嶺南平澤莖二三尺葉似杏而長厚軟

上有細毛

草本

地蠶本名草石蠶又名甘露子一名地瓜生郊野

葉如薄荷根白如蚕作蕓食

草本

洋合形如百合色

紫與薑同器則薑色亦紫

全州志

謹案地蠶卽白蘘荷根蘘荷葉似薑一名

洋百合上林賦云此薑蘘荷桂人亦以蘘

荷拌茈薑爲珍味

蕓菜俗呼魚腥菜

全州志

香蕓紫者名香蕓白者名肉蕓生僻者有毒

草本深

山處處有之有砍木以穉米種者又一種松菌三

四月松根生之味甚美土人食菌謂無蟲者卽有

毒不可食

臨桂縣志

香蕈出萬鄉四方粒

全州志

茨菜卽土芎藭細切爲菹味極辛竄能破寒

臨桂縣志

甕菜葉如落葵而小南人編葦爲筏作小孔浮於

水上種子於水中則如萍根浮水面及長莖葉皆

出於葦筏孔隨水上下南方之奇蔬也野葛有大

毒以薤汁滴其苗當時萎死

南方草木狀

甕菜卽薤菜

人家徧地種之莖中空而葉尖以滾水先焯乃炒

爲佳醃爲菹亦可久藏可解胡蔓野葛毒

嶺南雜記種

水口攀藤而生

金志

蒿蒿味辛甘作蒿氣草木以滾湯煮之乃有味金一

種邪蒿葉紋皆邪

臨桂縣志

甘藷二月種至十月乃成卵大者如鷺卵小者如

雞鴨卵掘出蒸食其味甘甜經久得風乃淡泊南方

草木甘藷似芋亦有巨魁剝去皮肌肉正白如脂

肪南人專食以當米穀叢載引嶺外多藷間有發

深山邃谷而得者枝塊連屬有重數十斤者味極

甘香名玉枕藷

王圻稗史彙編

閩廣藷有二種一名山藷

彼中故有之一名番藷有人自海外得此種兩種

莖葉多相類但山藷植援附樹乃生番藷蔓地生

山藷形魁壘番藷形圓而長其味則番藷甚甘出

諸稍劣

叢載

番薯皮有紅白二種香甜可代飯十月

閒徧畦開花如小錦葵粵中處處種之又有甜薯

圓如鶯鳴卵有猪肝諸形如猪肝重十餘斤皮紫

皆出粵地唯番薯種自洋中來也

嶺南雜記

玉枕薯出

深山邃谷有重數十斤者

金志

芋有水旱二種旱芋瘦水芋壯芋魁有十餘斤者

臨桂縣志

全州有磨芋豆腐卽青芋灰汁煮後磨成之

全州志

白芋苗桂人作蔬食之

臨桂縣志

土芋形全似芋

但味少淡而無香耳

嶺南雜記

百合一名蒜腦諸根如大蒜味如山藷

本草

桂林處

處有之惟全州最多以作粉

度冊

筍 湘源縣十二月食斑皮竹筍諸筍無以及之吳

錄云馬援至荔浦見冬筍名曰苞筍北戶錄筍各州

縣出有甜苦二種金志興安猫竹生冬筍最佳勝于

春筍有簞竹筍判官筆筍竹筍大竹筍苦竹筍又

一種十月筍名孝順筍臨桂縣志

彫菰俗名茭白又名茭筍結實卽菰米臨桂縣志

苦瓜一名錦荔枝癩葡萄本草閩粵皆以爲常饌有

和脾疏胃之功俱食其青者或醃作菹或灌肉其

內或以燭肉嶺南雜記董傳策食苦瓜詩東山

頓回炎海夢卻憐遷客久忘甜瓜苦南徽瓜管苦味嚴涼類

金瓜卽番冬瓜永寧出者佳金志

魚菜似蘿蔔其根細不堪食其嫩葉可作菹桂人

種以肥田

臨桂縣志

芥蘭甘辛如芥葉藍色鍊之能出鉛又名隔藍僧云六祖未出家時爲獵戶不食葷腥以此菜與野味同鍋隔開煮熟食之故名余亦從僧乞其子歸種之滿畦矣

嶺南雜記

荔枝自湖南界入桂林纔百餘里便有之亦未甚多

虞衡志

色黃味甘雖差小於粵東殊不減挂綠牟

尼光

金志

謹案今桂林實無荔枝有自廣東移植者結實如龍眼而青味極酢不堪食以舊志

所載姑存之

龍荔靜江一種龍荔皮則荔子肉則圓眼其葉與
味悉兼二果色青時便熟後但微黃可蒸食如熟
栗不可生噉令人發癩多食能生痰與荔枝同時

嶺外
代答

葡萄有紫青水晶三種

金志

居人亦多種之皆不美

又山中多野生者卽蓼蓂

臨桂
縣志

九層皮各州縣出

金志

梅嶺南之梅小於江左居人採之雜以朱槿花和

鹽曝之梅爲槿花所染其色可愛又有選大梅刻

鏤瓶罐結帶之類

北戶
錄

梅子各州縣出

金志

桃處處有之煖冬已先花實多不美全州有四

桃又有一種名桃李桃葉李根李實桃核全州志桃

花發於正月節金志

李白者曰玉李又有黃蠟李胭脂李猪血李桐子

李秧子李全州志臨桂有硃砂李最佳臨桂縣志橄欖白

果櫻桃楊梅各處有之府志

柑生嶺南及江南相南方果也本草桂林亦有之味

酸臨桂縣志

柚一名壺柑本草有臭香二種臨桂縣志

梨不如北產有消梨雪梨二種俱有黃皮青皮之

別而以青皮爲勝靈川潭下墟產者爲最又有

梨形如鵝卵亦佳

府志

枇杷嶺南皆有之葉如驢耳實如彈丸

本草

黃皮果粵中俱有

臨桂縣志

半春子一名黃婆孌形如山茱萸味酸澆

全州志

逃軍糧卽倒捻子

同上

甘蔗皆畦種最困地方荻蔗以蜀及嶺南者勝

本草

有紅白二種

全州志

特乃子狀似榧而圓長端正

虞衡志

亦類石蓮色褐

有殼連殼蒸食之

嶺外代答

今桂林有

金志

橄欖樹身聳枝皆高數丈其子深秋方熟味雖若
澁咀之芬馥勝含雞骨香吳時歲貢以賜近侍本

朝自秦始亦如之

南方草木狀

橄欖子獨根樹東向枝

曰木威南向枝曰橄欖

西陽雜俎

飲汁解酒毒有野生

者子繁樹峻不可梯緣但刻其根下方寸許納鹽

於其中一夕子皆自落樹枝節上生脂膏如桃膠

南人採之和其皮葉煎之調如黑飴謂之橄欖糖

用泥船損乾後堅於膠漆着水益乾

嶺表異錄

落花生俗名人參豆花落土中始生

全州志

栗有三種大者板栗又各大栗頂圓末尖者各旋

栗又名錐栗小者似板栗而細如橡子名茅栗樹

極小

櫟子有甜苦二種甜者殼黑而細苦者殼褐而稍